



ՅԵ. ԶՈՓՈՒՌ՝ ՔՈՒՐԴԸ

Ախպե՛ր, ես մի վախտ շարվադարութունն ի անում: Մի հետք մի քանի ընկերներով կարտոփ տարանք Շորագլալ ծախելու: Լոռու մի մատտահն էլ կարտոփն ա, հո գիտե՞ք: Մի քանի հետ էլ մեղր եմ տարել ծախ: Ամա մեղրից խեր չկա: Ասած ա. «Չամիչը հատ-հատ, մեղրը մատ-մատ կհատնի»:

Հա՛, դնացիք հասանք Տաշղալա: Էնտեղից էլ ճամպա բոնեցիք դսլա Մասաարա: (Մաստարեն մի ձորի միջի ա: Լավ ախպրնի ունի): Ծամսլին մեղ մի մարդ ոստ էկավ, որ մի քահլան ձի նստած՝ դնում էր Գումբրի (Ալեքսանդրապոլ):

Նա ասավ.— Կարտոփը կտանեք մեր տունը: Ես էդ գեղի գալավան եմ: Կասեք էրոյի տղա Արթենի տունը ո՞րն է:

Նա հանեց իր տերողորմեն նշան տվուց, գնացինք գլավնու տունը: Դեռ բեռները վեր չէինք բերել, պատմեցինք գլավնու բսպարանքը ու նշանը տվինք:

Բեռների վեր բերելն ու տաղթմիշ անելը մին էլավ: հարևաններն թոփ էլան. նրանցից ամեն մինը մի հակը տարավ: Գլավնու ախպերն ամեն մնի հեղեվից ձեն էր տալի. «Մո՛, իմալ կտանեք, էմալ էլ բերեք»: Կարճ ժամանակում մեր կարտոփնին ցորենի դառան: Կտրտոփը ցորենի բարեբար վեր կալան:

էդ ըրիզուն գլավնանց տանը մեզ մի լավ պատիվ տվին: Նրանք

ուրիշ ղոնախնի էլ ունեին, էդ զոնախնու մեջ մի բոյով ու ջահել քուրդ կար, քոլոզը ծածկած. ինքն էլ լավ հաքնված: Ամս ընթացիկ շոփուռ էր, որ զարմանալի: Չնշոտ չէր, որ ասեիր ծաղկամնա ա:

Սաղ էրեսը փոս-փոս էր, ոնց որ կտրատած, յա պուճուր դրով ծակծկած: Նա շատ թամուզ հայերեն խոսում էր, լսողը, հեռի հավատիցը, հենց իմանում էր, թե հայ ա:

Ես նրանից վեր քաշված ու զարմացած նրան հարցրի.— Ամոթ չըլի հարցնիլն, ախպեր, էդ ընչիցն ա քեզ էդ շոփուռությունը պատահի՞լ:

Նա ծանդր ախ քաշեց ու քոլոզը վեր կալավ: Գլուխը բացվեց: Գլխի կաշին պոկ էկած էր: Մի հատ մազ չկար դիտին: Գլխի դափաղի ոսկորն էրևում էր: Ես սարսափեցի:

Նա քոլոզն էլ եդ դրեց դիտին ու պատմեց հետևյալը՝ իր դիտի եկածը.

— Որ ասում ես, ախպեր ջան, պատմեմ էս պոկած գլխիս էկած փորձանքը: Ես Երևանցի Ջաֆար աղի տղեն եմ, անունս է Զոռ-Մուստաֆա: Սաղ մըհալումը մեր պես անումով, հարուստ ու գյուռ օջախ չկա: Առաջ էլ անումով աղա ինք, ամա տկլոր աղա ինք: Հորս՝ Ջաֆար աղի, սաղ հարստությունն ու պարծանքը ես ի՞նչ ընկերների, ի՞նչ թայ ու թուշի մեջ մի հատը քաջ աղա չկար: Ամեն տեսակ ձի սովորցնել, քյամանդ գցել-բռնել, հեծնել, թուր ու թվանք բանացնել, նիզակ ճոճել, դալխան պահել— էս բոլորն ինձ համար խաղ ու պար էր: Ի՞նչ թայ դոշաղ տղերանցից ոչ միին ի՞նչ ոտով չէր գալի: Մեր մըհալումն ի՞նչ կուռն ոլորող աղա չկար: Ես փահլվանի ու իգիթի համբավ հանեցի: Իսկ շնորքով, բոյով ու բուսաթով ինձ հավասար միներ չկար: Երեխությունից ի՞նչ մազերս, որ ոսկի գույն ունեին, չէին խուզել: Քանքուլներս՝ վախտ հուսած, վախտ փաթըթած գլխիս, վախտ վերարձակ թողած՝ ինձ ավելի շնորք էին տալի: Ինչ խաղ լիներ՝ ջիրիդ լիներ, որս գնալ լիներ, հարսանիքներում ու մեյդաններում ձի խաղցնել լիներ, թվանքով նշանի գցել լիներ— ես ի առաջինը: Ինձ ոչ մի բանում զոռ անող չկար: Դրա համար ի՞նչ անունը դրին Զոռ-Մուստաֆա: Հերս ինձ ջահել օրով հարսանիք արավ: Սաղ Երևանու մըհալում աղջիկ չճարեց, գնաց Կաղզվանից ինձ աղջիկ ուզեց: Զոռ հարսանիք արինք: Անցավ մի քանի վախտ: Ի՞նչ կնիկը մի անգամ գնաց հորանց: Մենձ ախպերն էկավ տարավ: Մի էրկու շաբաթից գնացի Կաղզվան, որ նրան բերեմ: Ի՞նչ աներն էլ հարուստ օջախ էր. հինգ-վեց աղա ուներ:

Մի էրկու օր մնացի Կաղզվանում: Էդտեղ ծանոթացա մի դավրիշի հետ: Էդ դավրիշն ասավ, որ ինքն էլ պիտի գա Երևան. միասին գնանք: Խնդրեց, որ մի քիչ ճամպա պահեմ, որ ինքն իր համար մի ձի ճարի ու մեզ հետ գա:

(Մենք՝ ես ու կնիկս էլ նրան ճամպա չպահեցինք, ըղու էլանք, ճամպա ընկանք):

Կաղզվանից մի քանի վերստ դեռ չէինք հեռացել, եդ մտիկ արինք, տեհանք, որ մի ձիավոր ա գալի: Գալիս ա ամա ընթավուր զփոզ տված ա գալի, ոնց որ երկնքից կրակ ըլի գալիս: Թող ու գումանը պատել էր աշխարհը: Կնիկս ասավ.— Արի փախչենք, հարամի ա գալի:

Ես անկաջ շարի, ասի.— Ես Զոռ-Մուստաֆան ըլիմ ու մարդուց ու հարամուց վախենա՞մ:

Զիավորը էկավ հասավ:

Դարվիշն էր մի քյահլան ձի նստած: Մեզ բարեկեց ու ընկերացավ: Մտանք Կաղզվանա մերին: Երբ որ հասանք մերու մեջտեղը, ճամպեն էրկուսի էր բաժանվում՝ մինը մենձ ճամպեն էր, մինն էլ մի կածան, որ տանում էր դպա մերու ղալնկուտը: Դավրիշն էդ ճամպեն բռնեց: Իմ կնիկն էլ, ոնց որ թոկով կապված, նրա եղևից իր ձին քշեց: Ասի.— Այ կնիկ, էդ ո՞ւր ես գնում, մեր ճամպեն էդ չի:

Նա անգաջ շարավ ու դավրիշի ետևից գնաց: Ես ձիով ազաքը կտրեցի: Դավրիշը գոռաց.— Էդ իմ կնիկն ա, ի՞նչ իրավունքով ես աղաքը կտրում:

Ես կատաղեցի ու ձիուց իջա: Նա էլ իջավ: Ու մեր մեջ սաստիկ կռիվ սկսվեց: Սկզբում ոնչ ես ի զոռում, ոնչ նա: Էրկուսս էլ կըռվում էինք արջերի նման: Վերջում նա հետզհետե թուլանում էր, իսկ ես ուժեղանում, քիչ էր մնում, որ նրան գետնովը տալի: Էդ վախտը կնիկս ձիուցը վեր էկավ՝ ու ոտիցս բռնեց: Նրանք էրկուսով ինձ վեր գցեցին: Սրտիս հերտից խելքս գլխիցս թռավ: Էն իմացա, որ անիրավ դավրիշը երկար մազերս՝ քանքուլներս մի բանի փաթաթեց: Աչքս բաց արի տեհա, որ մի բարձր կաղնի ծառից մազերիցս կախված եմ: Դավրիշն ու կնիկս կորել են: Զիս մոտս կանգնած խրխնջում էր, կատաղությունից խելքս կորավ: Դուռն ինձ ասա՝ թուրը վրես, դամեն վրես, դանակը ջիբս, մազերս փմ ձեռքով կտրելու տեղը՝ ինձ սաստիկ թափահարեցի, ճլորթի ընկա ու ընկա ներքև: Մազերս պոկ ընկան: Գլխիս կաշին էլ հետը պոկվեց: Գլխիցս արուն շատ գնաց, ամա ես ինձ չկորցրի, գլուխս փաթաթեցի,

«Ճիս հեծա ու նրանց գնացած ճամպով գնացի: Գնացի հասա մի
 մենն՝ էրի դուռ: Տեսնիմ ներսը դարվիշն ու կնիկս քեֆ են անում:
 Վատաղած վրա ընկա, որ դարվիշին խեղդեմ: Մեր մեշ էլի մի
 ասրսափելի կոֆով սկսեց: Ասլանն ու Ղափլանն էդպես չէին կովիլ:
 Ես ոնց որ յարալու գազան, դարվիշին քիչ մնաց գլխիս ծերն հա-
 քեմ ու գետին զարկեմ, հոգին փչի: Էդ վախտը կնիկս նրան օգնու-
 թյան հասավ: Քած շան նման սկսեց կծոտել ձեռքերս, ծնկներս ու
 Վուրծքս: Դարվիշը սիրտ առավ ու երկուսով ինձ գետին գլորեցին:
 Էրի առաջ քսած դուզ ժառին ինձ թոկով կապեցին՝ ոտներիցս մին-
 չն վիզս: Ու իրանք նստեցին միմեկուսի վրա ուտելու: Մի մենն թարախանով
 լիքը բաղդատու խուրմա կար ազաքները: Էն անիրավ դարվիշը
 սկսեց ուտել խուրմեն ու կորիզներն էրեսիս փշել: Կորիզներն գա-
 լիս էին էրեսիս դիպչում, ոնց որ գլուխս՝ երեսս ծակծկում: Էն
 անիրափը վռազ-վռազ ուտում էր խուրմեն ու կորիզները կարկտի-
 պես թափում էրեսիս: Ես հագիվ աչքերս էի պահում: Մաղ էրեսս
 ծակծկվեց արունվիկ հղավ: Միտս մղկտում էր, ջիգյարս կտրատ-
 վում: Ամա ես ձեն ծպտուն չէի հանում, մի անգամ «օֆ» շարի: Իմ
 էդ վարմունքը ավելի էր կատաղացնում էն սատայելին: Վերջն էդ
 լորերը՝ դարվիշն ու իմ ղախպա կնիկը՝ իրենց քեֆը քաշելուց եղը,
 իմ աչքի աղաքին պառկեցին ու շնթոցին: Խոր քուն մտան, երեկ
 ինձ մեռած կարծելով: Նրանց քնելուց եղը ես սկսեցի ատամներով
 ինձ փաթաթած կռներս կապած թուկը կրծոտել: Կրծեցի, կրծեցի,
 թուկը կտրեցի: Ետո կամաց կապերս արձակեցի: Թուրս ուսուբով՝
 վերցրի, որ էրի պատից կախել էին: Ու հոգեառի պես դարվիշի
 գլխավերեն անցա: Աշ ձեռքով թուրս պահած, ձախ ձեռքով մա-
 զերիցը ղայիմ քաշեցի, նա աչքը բաց արավ, զարհուրանքով ինձ
 մտիկ արավ ու ուզաց վեր թռչի: Ամա ես ժամանակ չտվի, թրով
 գլուխը թոցրի: Անզգամ կնիկս էլ զարթնեց: Ես նրան շապանեցի,
 ձեռք ու ոտքը կապոտեցի: Եդո մտա էրի մեշը ման էկա: Ի՞նչ
 տեսիմ: Էրի խորքում հինգ հատ քյահլան ձի կապած, մինը մնուց
 լավը, աղաքները շամիլ լքցրած: Քիչ էլ աղաք գնացի մենն մաղա-
 րա էր: Տեսնիմ մի տեղ ոսկի կիտած, մի տեղ էրծաթ: Մի կռանս
 էլ շատ խաս կտորներ՝ մախմուր, աթլաս ու հազար ու մին խաս
 ու ղումաշ դասած: Թողի, դուս էկա: Ես իմ ձիուն նստեցի: Կնկանս
 էլ իրա ձիու վրա կապկպոտեցի ու եդ գնացի Կաղզվան անորանցս
 տունը: Գիշեր էր: Անորըս տղեքը դուս էկան: Նրանք մեզ տեհան

1 Ուսուր-գզուշություն—Մ. Բ.:

ու զարմացան. ինձ էլ որ մտիկ արին, զարհուրեցին: Անհետ ու մեկել տանըցիք էլ նրանց եղնուց դուռ թափեցին: Ես սլալամեցի եղելությունը: Անորս մենձ տղեն որ մի ղոշաղ ու նամուսով տղամարդ էր, էդ բանը որ լսեց, կատաղեց: Էլ ժամանակ չտվուց. «Սննամուս», գոռաց, իր թուրը քաշեց ու կնկանս՝ իրա քրոջ, գլուխը թռցրեց: Բոլորն էլ ասին. «Հախն էր»... Էդ գշեր ինձ իրանց տանը պահեցին: Մյուս ըռավոտը ինձ իրանց փոքր քրոջ հետ պսակեցին. ու ճամպա դրին: Ես անորս մենձ տղին հետս վերցրի, երբ հասանք մերին, ես նրանց իմ թազա կնկանն ու իր մենձ ախպորը տարա թուշ էն էրի դուռը: Վեր էկանք: Անորս տղի հետ ներս մտանք: Բոլոր ոսկին ու էրծաթը, էն խաս ու ղոմաշ ճոթ ու կտորները բեռներ բռնեցինք: Դուստր քեցինք դավրիշի հինգ ձիանը ու բարձեցինք, հինգ ձիաբեռ էլավ: Էրկու ձիաբեռը տվի անորս տղին, իսկ իրեք ձիաբեռը ես վեր կալա: Նա գնաց իրանց տուն, ես էլ իմ ֆաղա կնկա հետ էկա մեր տունը: Շատ չքաշեց հերս՝ Զաֆար աղեն, դարդից մեռավ: Իմ բերած հարստությունը նրա աչքին չէր գալիս, քանի որ նրա աչքի լույս Զոռ-Մուստաֆեն զրկվել էր իր ամենամենձ հարստությունից՝ էրեսի գեղեցկությունից, ոսկեքանքուլ մազերից, մի խոսքով իրա շնորհալի քիսպաթից¹:

— Ղարիբ ախպեր, — դարձավ ինձ Զոռ-Մուստաֆեն, — թուրք ասու՛ւ ա. «Քիսպաթ դա բիր դովլաթ դըր»²: Հմի ես էդ դովլաթից, որ առաջ իմ պարծանքն էր, զրկված եմ ինձ պառահած էդ փորձալքի էրեսից:

¹ Քիսպաթ — գեմք, պատկեր — Մ. Բ.:

² Քիսպաթ դա բիր դովլաթ դըր — Գեղեցիկ գեմքն էլ հաքստություն է — Մ. Բ.:

